



*Embassy of Bosnia and Herzegovina
Washington, D.C.*

POSTUPAK ODRICANJA OD DRŽAVLJANSTVA BOSNE I HERCEGOVINE

Osoba koja želi da se odrekne od državljanstva Bosne i Hercegovine, daje izjavu o odricanju lično ili putem punomoćnika na pripremljenom obrascu kod Ministarstva civilnih poslova Bosne i Hercegovine ili u diplomatsko konzularnim predstavništvima Bosne i Hercegovine u inozemstvu (DKP).

Uz [Izjavu o odricanju od državljanstva](#) BiH obavezno se prilaže:

1. Dokaz o posjedovanju državljanstva druge države (uvjerenje o državljanstvu), ili dokaz da mu je zagarantirano sticanje državljanstva druge države (garancija);
2. Prijava boravka u inozemstvu;
** Dokumente pod 1. i 2. potrebno je prevesti na jedan od jezika u službenoj upotrebi u BiH kod ovlaštenog sudskog prevodioca u BiH ili u inozemstvu – ovjerene kod nadležnog organa, a eventualna punomoć, koja se daje u inozemstvu, ovjerena od strane DKP-a ili kod notara.*
3. Izvod iz Matične knjige rođenih u Bosni i Hercegovini – rodni list;
4. Uvjerenje o državljanstvu BiH;
5. Vjenčani list (za lica koja su u braku);
*** Dokumenti pod 3., 4. i 5. ne smiju biti stariji od šest mjeseci.*
6. Presudu o razvodu braka (za lica čiji je brak prestao razvodom);
7. Ovjerenu kopiju pasoša BiH (strana sa fotografijom ovjerena od nadležnog DKP-a, od notara, ili od strane nadležnog organa u BiH) ili uvjerenje o neposjedovanju istog;
8. Važeću ličnu kartu izdatu u BiH, ili uvjerenje o njenom neposjedovanju;
9. *Money Order* na potreban iznos, prema važećem [Cjenovniku konzularnih usluga](#) na ime primaoca - *Embassy of Bosnia and Herzegovina*.

Način uplate pojašnjava se prilikom davanja izjave o odricanju od državljanstva BiH.

U postupku odricanja od državljanstva BiH za malodobnu djecu, pored izjave o odricanju, potrebna je i izjava o saglasnosti oba roditelja za odricanje, a ako su djeca starija od 14 godina i njihova izjava o saglasnosti za prestanak državljanstva BiH odricanjem.

Ove izjave daju se potpisivanjem na zapisnik kod nadležnog organa ili se prilažu ovjerene izjave uz zahtjev za odricanje.

Ako je drugi roditelj stranac, za njega se prilaže uvjerenje o državljanstvu druge države, a ako je drugi roditelj umro, za njega se prilaže izvod iz matične knjige umrlih.

Posebne napomene:

- Sva lica koja se odriču državljanstva BiH moraju imati određen jedinstveni matični broj (JMB)
- Kod lica koja su mijenjala prezime, zaključenjem braka ili na drugi način, vjenčano, odnosno na drugi način promijenjeno prezime, mora biti upisano u rodnom listu i u uvjerenju o državljanstvu BiH.

Prema članu 16. Zakona o državljanstvu Bosne i Hercegovine, državljanstvo BiH može prestati:

a) po sili zakona,

b) odricanjem,

c) otpustom,

d) oduzimanjem,

e) međunarodnim sporazumom.

S tim u vezi, u članu 19. Pomenutog Zakona precizirano je da “1. Gradanin koji je napunio 18 godina, koji živi u inostranstvu i ima državljanstvo druge države, ili mu je zagantovano sticanje državljanstva druge države, ima pravo da se odrekne BiH državljanstva.”

Odluke o sticanju ili prestanku državljanstva BiH u ovom slučaju donosi Ministarstvo civilnih poslova BiH (član 30. Zakona).

[Obrazac Izjave o odricanju od državljanstva BiH](#)
[Cjenovnik konzularnih usluga](#)